

Primljeno: 21-09-2021			
Org. jed.	Broj	Priloga	Vrijednost
01	- 02 -	1586	20

02

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SREDIŠNJA BOSNA / SREDNJOBOSANSKI KANTON**  
**SABOR KANTONA SREDIŠNJA BOSNA**  
**TRAVNIK**

Na temelju članka 110. Poslovnika Sabora Kantona Središnja Bosna ("Službene novine Kantona Središnja Bosna", broj 3/04, 6/13 i 16/20), Sabor Kantona Središnja Bosna u povodu razmatranja federalnog Nacrta zakona o izmjenama i dopunama Zakona o načelima lokalne samouprave u Federaciji Bosne i Hercegovine, na XXI. sjednici, održanoj 15.9.2021.godine, d o n o s i

**ZAKLJUČAK**

I.

Sabor Kantona Središnja Bosna daje pozitivno mišljenje na Nacrta zakona o izmjenama i dopunama Zakona o načelima lokalne samouprave u Federaciji Bosne i Hercegovine i prihvaća u cjelosti Zaključak Vlade Kantona broj: 01-04.1-5270/2021-5 od 15.7.2021.godine sa mišljenjima općina kantona, koji čine sastavni dio ovog zaključka.

II.

Ovaj zaključak stupa na snagu danom donošenja a dostavit će se Zastupničkom domu i Domu naroda Parlamenta Federacije Bosne i Hercegovine, Vladi Kantona Središnja Bosna i Ministarstvu pravosuđa i uprave.

**Broj: 01-02- 824 /21**  
**Travnik, 15.9.2021.godine**



Na osnovi članka 31. Zakona o Vladi Kantona Središnja Bosna (Službene novine Kantona Središnja Bosna, broj 5/03- prečišćeni tekst i 14/03), Vlada Kantona Središnja Bosna, na **90. sjednici, održanoj 15. 7. 2021. godine**, razmatrajući **Ad.5.Mišljenje na Nacrt zakona o izmjenama i dopunama Zakona o načelima lokalne samouprave u Federaciji Bosne i Hercegovine, donosi**

## ZAKLJUČAK

### I.

Uvidom u odredbe teksta Nacrt zakona o izmjenama i dopunama Zakona o načelima lokalne samouprave u Federaciji Bosne i Hercegovine utvrđeno je da se predloženim izmjenama i dopunama otklanjanju poteškoće u prijemu postojećeg Zakona, te da isti nudi preciznija zakonska rješenja u oblasti lokalne samouprave.


### II.

Vlada Kantona mišljenja je da Nacrt zakona o izmjenama i dopunama Zakona o načelima lokalne samouprave u Federaciji Bosne i Hercegovine dobar polazni temelj za utvrđivanje Prijedloga zakona, uz prethodno razmatranje i uvažavanje datih mišljenja općina sa područja Kantona Središnje Bosne.

### III.

Mišljenje na Nacrt zakona o izmjenama i dopunama Zakona o načelima lokalne samouprave u Federaciji Bosne i Hercegovine dostaviti će se Saboru Kantona na daljnje postupanje.

Broj: 01-04.1-5270/2021-5  
Travnik: 15.7.2021.



**PREDSJEDNIK VLADE KANTONA**

**Tahir Lendo, dipl.ing.**



Bosna i Hercegovina  
FEDERACIJA BOSNE I HERCEGOVINE  
SREDNJOBOSANSKI KANTON  
**MINISTARSTVO PRAVOSUĐA I UPRAVE**

Broj: 03-02-2962/21  
Travnik, 1. 7. 2021. godine

**VLADA SREDNJOBOSANSKOG KANTONA**  
- ovdje

**PREDMET:** Nacrt Zakona o izmjenama i dopunama Zakona o principima lokalne samouprave u Federaciji Bosne i Hercegovine,  
- mišljenje, dostavlja se

*Poštovani,*

Stručna služba Vlade Srednjobosanskog kantona, aktom broj 15-02-2812/21 od 22. 4. 2021. godine, dostavila je Ministarstvu pravosuđa i uprave Srednjobosanskog kantona (u daljem tekstu: Ministarstvo) akt - Stručne službe Skupštine Srednjobosanskog kantona, broj: 01-02-319-1/21 od 21. 4. 2021. godine, kojim se traži mišljenje Ministarstva o Nacrtu Zakona o izmjenama i dopunama zakona o principima lokalne samouprave u Federaciji Bosne i Hercegovine (u daljem tekstu: Nacrt Zakona), kako bi se Vlada Srednjobosanskog kantona očitovala na navedeni Nacrt Zakona.

S obzirom da je odredbom člana 56. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09) - (u daljem tekstu: Zakon), utvrđeno da „Federalne, odnosno kantonalne vlasti dužne su u najvećoj mogućoj mjeri konsultovati jedinice lokalne samouprave u postupku donošenja propisa koji ih se direktno tiču“, Vlada Srednjobosanskog kantona obavezna je prije zauzimanja i davanja konačnog mišljenja o Nacrtu Zakona, obaviti prethodne konsultacije sa općinama u Srednjobosanskom kantonu.

Slijedom utvrđene zakonske obaveze ovo Ministarstvo je poslalo svim općinama Srednjobosanskog kantona akt broj 03-02-2961/21 od 29. 4. 2021. godine, kojim se traži mišljenje općina o Nacrtu Zakona.

Mišljenje odnosno prijedloge, primjedbe i sugestije na Nacrt Zakona u ostavljenom roku dostavile su sve općine Kantona kako slijedi:

**1. Općina Kiseljak** - primjedbe na **član 20a., 20b. i 20c.** Nacrta Zakona, primjedbe „na postupak za ocjenu odluke, pred kantonalnim sudom odnosno pred Vrhovnim sudom Federacije Bosne i Hercegovine...“ ovakve odredbe po mišljenju općinskog načelnika ostavljaju mogućnost donošenja političkih odluka po zahtjevima za preispitivanje; **član 31a.** ponuđeno rješenje nije moguće provesti iz razloga što



prema mišljenju općinskog načelnika općinsko vijeće i općinski načelnik imaju nadležnost procijenjivati svaki projekat pojedinačno te odlučivati na taj način.

**2. Općina Gornji Vakuf – Uskoplje** - nema primjedbi.

**3. Općina Donji Vakuf** - nema primjedbi.

**4. Općina Dobretići** - nema primjedbi.

**5. Općina Jajce** - nema primjedbi.

**6. Općina Kreševo** - primjedbe na **član 28. stav (5)** „stručne i administrativno-tehničke poslove... obavlja sekretar mjesne zajednice...” ovakva odredba po mišljenju općinskog načelnika ostavlja nedoumicu u pogledu obaveze finansiranja sekretara mjesne zajednice: **član 31.** „sredstva mjesne zajednice se osiguravaju: u budžetu jedinice lokalne samouprave...” ovakva odredba po mišljenju općinskog načelnika je teško provediva zbog malih budžetskih sredstava koje bi bilo potrebno osigurati u budžetu za rad mjesne zajednice.

**7. Općina Vitez** - primjedbe na **član 20.** Zakona o principima lokalne samouprave u Federaciji Bosne i Hercegovine „vijeće, odnosno načelnik/ca može u roku od tri dana nakon donošenja odluke zatražiti da vijeće, odnosno načelnik/ca preispita odluku ili akt koji smatra neustavnim ili nezakonitim...” ovakva odredba po mišljenju općinskog načelnika treba biti izmjenjena u pravcu određivanja broja vijećnika koji mogu tražiti preispitivanje donesenih odluka ili akata - najmanje jedna trećina od ukupnog broja vijećnika u općinskom vijeću...”; **član 28.** Nacrta Zakona „tijela mjesne zajednice su savjet i zbor građana...” ovakva odredba po mišljenju općinskog vijeća je neodrživa i predlaže da tijela mjesne zajednice trebaju biti predsjednik mjesne zajednice koji predstavlja mjesnu zajednicu i savjet mjesne zajednice kao kolektivno tijelo koje donosi odluke, te zbor građana kao vid sudjelovanja građana u djelovanju mjesne zajednice.

**8. Općina Fojnica** - nema primjedbi.

**9. Općina Busovača** - nema primjedbi.

**10. Općina Novi Travnik** - primjedbe na **član 28. stav (3)** Nacrta Zakona „vijeće donosi odluku kojom utvrđuje pravila za neposredne izbore savjeta mjesnih zajednica...” ovakva odredba po mišljenju općinskog načelnika treba biti dorađena u smislu da se predvidi rješenje za članove savjeta mjesnih zajednica koji se u momentu donošenja ovog zakona zateknu na tim dužnostima - pitanje njihovog mandata; **član 59.** Zakona o principima lokalne samouprave u Federaciji Bosne i Hercegovine „prijenos poslova i nadležnosti dodjeljenih ovim Zakonom..., početak će istovremeno s prijenosom sredstava potrebnih za njihovo obavljanje” ovakva odredba po mišljenju općinskog načelnika treba biti detaljno razrađena iz razloga što se u praksi dešava da se općinama pridaju nove nadležnosti izmjenama zakona a da to istovremeno ne prati prijenos finansijskih sredstava za primjenu zakona.

Također, primjedba na obavezu poštivanja načela jednakopravnosti spolova, odnosno zastupljenosti žena u savjetu mjesne zajednice.

**11. Općina Bugojno** - nema primjedbi.

**12. Općina Travnik** - **član 24.** Nacrta Zakona, ovakva odredba po mišljenju općinskog načelnika treba biti dorađena u pravcu uvođenja direktnih izbora za organe mjesnih zajednica.



Obzirom da je Nacrt Zakona iz oblasti podjeljene nadležnosti kantona i Federacije Bosne i Hercegovine, Ministarstvo shodno nadležnosti daje sljedeće

## M i š l j e n j e

Uvidom u odredbe teksta Nacrta Zakona, utvrđeno je da se predloženim izmjenama i dopunama istog otklanjaju poteškoće u primjeni postojećeg Zakona o principima lokalne samouprave u Federaciji BiH, te da isti nudi preciznija zakonska rješenja u oblasti lokalne samouprave.

Dakle, ovo Ministarstvo mišljenja je da je tekst Nacrta Zakona o izmjenama i dopunama Zakona o principima lokalne samouprave u Federaciji Bosne i Hercegovine dobar polazni osnov za utvrđivanje teksta Prijedloga Zakona, uz prethodno razmatranje i uvažavanje datih mišljenja općina Srednjobosanskog kantona.

S poštovanjem,



**MINISTAR**

Zoran Marković

Prilog:

1. Akt Stručne službe Vlade SBK, broj: 15-02-2812/21 od 22.04.2021. godine sa prilogima: akt Skupštine SBK broj: 01-02-319-1/21 od 21.04.2021. godine sa prilogima: akt Vlade Federacije BiH broj: 03-02-917/2020 od 17.09.2020. godine, Nacrt Zakona o izmjenama i dopunama zakona o principima lokalne samouprave u Federaciji Bosne i Hercegovine, mišljenje Saveza općina i gradova Federacije BiH o prednacrtu izmjena i dopunama Zakona o principila lokalne samouprave broj: 138/20 Od 05.05.2020. godine
2. Mišljenja svih općina Srednjobosanskog kantona (x12)
3. Prijedlog zaključka o prihvatanju mišljenja

Dostaviti:

1. Naslovu
2. a/a